



Inatsisartunut ilaasortaq Mariane Paviasen, Inuit Ataqtigiit

**Kuannersuit pillugu § 37 naapertorlugu apequteqaammut nr. 189-2020-  
imut akissut**

16-11-2020  
Suliap nr. 2020 - 22051

Inatsisartut suleriaasianni § 37, imm. 1 naapertorlugu Kuannersuit kiisalu VVM-  
mut nassuiaat pillugit apequtit matuma kingulianiittut Naalakkersuisunut  
saqqummiuppatit, taakkualu matumuuna akissuteqarfigineqarput.

Postboks 930  
3900 Nuuk  
Tlf. (+299) 34 68 00  
Fax (+299) 43 02  
E-mail: asn@nanoq.gl  
www.naalakkersuisut.gl

Akissuteqaat Aatsitassanik Suliassaqarfinnut Avatangiisinut Aqutsisoqarfimmit  
ilassuteqarfigineqartumik suliarineqarpoq.

- 1. Qanoq ililluta VVM-Rapportit Kuannersuarnut tunngasut  
tusarniutigineqaliivissut upperissavagut aatsitassarsiorfiginiakkap  
20%-ia missaa suliffeqarfiup misissuiffiginikuullugu avammut  
nalunaarutiginiuguat nalunagu 80%-ia missaa suli  
paaaviginiakkap misissuviffigineqarnikuungitsoq?**

**Akissut:** Inussiarnersumik takuuk apeqqummut 3-mut akissut.

- 2. Paaaviginiakkap 20%-ia sinnilaarlugu kisiat aallaavigalugu  
Kuannersuarni aatsitassarsiornerup tusarniutigalugu allartippat  
80% ataatsilaarlugu aatsitassaqaassusaannut tunngasumik  
eqqoriaaqqattaarluni akissuteqarnissaq naatsorsuutigissavisiuk?**

**Akissut:** Inussiarnersumik takuuk apeqqummut 3-mut akissut.

- 3. Qanoq ilillusi oqarsinnaavisi innuttaasut ernumassanngitsut  
aatsitassanut inatsiseqaratta Best Practice pitsaanerpaaq  
aallaavigalugu piumasaqaateqartoqarneraallusi? illua' tungaanni  
Naalakkersuisut Kuannersuarnut tunngatillugu VVM rapportit  
tusarniutigissallugit akuerigaat aali paaaviginiakkap 20-ia  
sinnilaaginnarlugu misissuinerit ingerlanneqarneri naappertorlugu  
rapportit suliarineqarsimassasut.**

**Akissut:**

Apequteqaammi procentinut kisitsisit suut innersuussutigineritit ajoraluartumik ersarinngilaq. Avatangiisinut sunniutaasussanik nalilersuinermut tunngatillugu Aatsitassanik Suliassaqaarfinnut Avatangiisinut Aqutsisoqarfiup makkua paasissutissiissutigai:

”Ingerlatassanik suliaqarnermi Avatangiisinut sunniutaasussanik nalilersuineq (VVM) sularineqareerpat aammalu tamatumunnga nassuiaat (VVM-mut nassuiaat) Naalackersuisunit akuerineqareerpat, aatsaat Kuannersuarni aatsitassarsiorfimmik suliaqarnissamut akuersissut aatsaat tunniunneqarsinnaavoq.

Naalackersuisut VVM-mut nassuiaat suli isummerfiginngilaat, taamatullu VVM-mut nassuiaat suli tamanut ammasumik tusarniaassutigineqarani.

Avatangiisinut sunniutaasussanik nalilersuineq aatsitassat pillugit ingerlatallu tamatumunnga pingaarutillit pillugit inatsisartut inatsisaat nr. 7, 7. december 2009-imeersumi (aatsitassanut ikummatissanullu inatsit) kapitali 15 naapertorlugu avatangiisinut sunniutaasussanik nalilersuinermut maleruagassat malillugit pisussaavoq.

VVM-nassuiaammut piumasaqaatit ilaatigut tassaapput VVM-imi suliassap immikkoortuini tamaginni (ilanngullugit aatsitassarsiorluni misissuinermut, sanaartornermut aamma ingerlatsinermut immikkoortoq, kiisalu aatsitassarsiorfiup matuneqarnerani aammalu matuneqareernerata kingorna) avatangiisinut sunniutaasinnaasut suussusersinissaat, eqqoriarnissaat, nassuiarnissaat, nalilersornissaat attaveqatigiissutiginiissaallu. VVM-mut nassuiaammi sumiiffik suliassamit sunnerneqarsinnaasoq tamaat ilaatinneqassasoq, aamma piumasaqaataavoq. Suliassami sumiiffiit aatsitassarsiorfiup sumiiffiata avataaniittut ilaatinneqarsimappata, assersuutigalugu aqqusernit, umiarsualiviit, ruujorit aqqusersuutit, mittarfiit aamma umiarsuit aqquaat, taakkuninnga sunniutaasussat aamma ilaatinneqassapput. Avatangiisinut navianartunik sunniinissamut tunngatillugu pinngortitamut, uumasunut naasunullu kiisalu tamat peqqissusaannut tunngatillugu taakkununnga tunngasortai tamarmik VVM-imi ilaatinneqassapput, kiisalu iliusissat pitsaaliuisussat, suliassap ajoqusiisumik sunniutigisinnaasaannik iluarsiiiviusinnaasut VVM-imi siunnersuutigineqassapput.

Tamatuma saniatigut, assersuutigalugu sulianik ingerlatitsinerit, sumiiffiit imaluunniit ingerlatat allanngortinneqassappata, VVM-ip nutarterneqarnissaa sukkulluunniit piumasarineqarsinnaavoq”.

Tamatuma saniatigut makkua Naalackersuisut Greenland Minerals A/S-mut piiaanissamut akuersissummik tunniussissappata, makkua atuuttussaasut paasissutissiissutigisinnaavara:

Piiaanissamut akuersissut ukiunut 30-nut tunniunneqassaaq, ataatsimut katillugu ukiunut 50-it angullugit sivitsorneqarnissaa

periarfissaqartinneqarluni. Aatsitassanut ikummatissanullu inatsimmi § 29, imm. 2 naapertorlugu sumiiffik nunap sannaani isumalluutinit killissalersugaasoq, nunani tamalaani malitassat akuerisaasut naapertorlugit Greenland Minerals A/S-ip uppersarsimasaa, akuersissummi ilaatinneqassaaq. Aammattaaq attaveqaqatigiinneq pilersaarutigineqartoq ilassutigineqassaaq.

Sumiiffiup akuersissuteqarfiusup killissalersugaanerani, ingerlatassatut pilersaarutigineqartunut naammattumik suliassap inissaqartinneqarnissaa, kiisalu siunissami aatsitassarsiorfimmi ingerlatassat allilerneqassagaluarpata inissaqarnissai, qulakkeerneqassaaq.

Taamaattoq sumiiffik akuersissuteqarfiusoq amerlanertigut sumiiffimmit ingerlatseqatigiiffiup aatsitassarsiorfimmi ingerlatanik suliaqarfigisinnaasaanit annertunerungajuppoq. Tamatumunnga pissutaavoq, ingerlatseqatigiiffiup aatsitassarsiorfimmi ingerlatassanik VVM, VSB kiisalu paaanissamut matusinissamullu pilersaarut akuerineqareersut tunngavigalugit akuersissuteqarfigineqartut, kisiisa suliarisinnaammagit. VVM, VSB aamma paaanissamut matusinissamullu pilersaarut Naalakkersuisunit akuerineqarsimasussaapput.

Inussiarnersumik inuulluaqqusillunga



Jens-Frederik Nielsen